

甚哉史事之闕遺也降及黔中蓋不足徵矣而詎知猶幸有  
 哉抑又甯忍忽然於存者之復亡也周禮春官外史掌四方  
 記載四方之事說者謂若春秋內外傳周志鄭書之類顧吾  
 遲載籍難稽往者崑山年丈曾於故紙叢中得猶西樵先生  
 以授衡山世丈刊於貴陽今二十餘年卷帙既殘板亦燬  
 存一册慨然重印以餉學者 幸獲讀全卷起周訖清中

失然所紀如漢諸葛忠武之勳名

忠武南征夜郾長濟至克捷衡交寇蜀

鄧大將軍芝之武功

計平涪陵國涪陵為夷思播黔五州地衡大宦蜀曾為修纂題

之文教

貴州之學開自陽明題起者有思南李同野清平孫淮海貴陽馬內江

固犖犖大老

安邦彥之變亂明末盜匪賊匪之殘殺

清師至民苗始蘇息

清代苗

常皆載事特詳可謂賢者識其大者矣西樵先生以副車

黔 史 序

與同里傅竹莊

玉書詩文彙編著 有黔風錄等書

講求詩古文有詩文集茲編僅

一斑然關係一方掌故誠不可或遺之書也承命作序詎陋所克勝  
 然維抱殘守缺平生一片心使存者不亡亡者復存斯必有尙友古人  
 曠百世而相感者其諸君子亦有樂於是歟謹序貴陽李國釗

叙

右猶氏心魯所撰黔史二卷家三兄崑山數年前得之故紙叢中丙子夏日余攜之滇南謀刻未果戊子返黔熊露階司馬見之謂可備黔中事實謀付梓人而屬余叙之案猶氏名法賢字心魯別字西樵乾隆壬午副貢生考取八旗教習後以教諭卒官其詩嘗爲洪稚存先生所稱有西樵山房詩文集而近人顧罕知之者是可慨也黔處萬山中其人牽厚重質實執堅忍以自表見者所在多有獨見聞較狹無以樸學稱者逮歙程侍郎恩澤視學於黔始以通經學古爲之倡於是承其學者如遵義鄭徵君子尹獨山莫徵君子偲遂以樸學名於時世稱西南二子及今而名益昌獨怪稚存先生以碩學鴻才先侍郎來視黔學而及門中未聞有通經學古如莫鄭諸人者豈黔中士人無從先生問業者歟抑有其人而名氏若存若滅亦如猶氏者歟此余因猶氏之詩而不

黔

史

陳叙

二

貴州文通書局代印

能無疑者矣此書紀黔事略備與黔書續黔書黔記等並有關於黔之國聞故特詳其姓氏傳覽者有所考云時光緒戊子貴陽陳矩

雍川猶法賢編

周赧王三十有五年為秦昭襄二十有七年秦取楚巫黔中地按史記

秦昭襄三年因蜀攻楚黔中拔之又三十年蜀守若伐取巫郡及江南

為黔中郡與此年代異按楚頃襄立於赧王之十六年當秦昭之八年距秦取地十九年則後漢書似確有據秦

置黔中郡通志云禹貢荆梁二州南鄙周為靡莫之屬成王合梁於

雍又為雍州之南裔春秋時楚莊既霸遂服於楚為巫黔中地舊志云

秦置黔中郡治在楚今常德府自辰沅寶靖至黔思播并州西陽石柱

等司皆其屬隸楚永樂十六年湖廣布政使蔣廷瓚建議始分署貴州

漢置武陵郡即秦黔中郡又云川之西陽司地置武陵郡考之廣輿記

其治自辰沅上至黔思石銅黎等較黔中郡所轄地似有其半按秦初

因蜀拔取巫黔中當在夔府下及楚宜昌施南等尚未治常德也漢改

黔黔 史 卷一 貴陽文通書局代印

武陵郡或即今之常德為近 楚人遣將循沅水伐夜郎凡言遣者軍

至且蘭椽船於岸而步戰遂滅夜郎且蘭有椽船牂柯處乃改其名

為牂柯前漢書云楚威王後漢書云楚頃襄王前 漢改黔中郡為武

陵郡按通志以改置武陵郡為高帝四年殊謬當是時楚漢爭戰策陽

京索間何暇及此即想當然亦當在六年僞遊雲夢時或征淮南

時布 武帝建元六年遣唐蒙通夜郎發巴蜀卒治道自犍道指牂柯

江蒙多誅其渠率巴蜀民大驚恐上聞之乃遣司馬相如責蒙等因諭

告巴蜀民以非上意相如還報蒙已略通夜郎因通西南夷道發巴蜀

廣漢卒作者數萬人治道二歲道不成士卒多物故費以億萬計蜀民

及漢用事者多言其不便是時邛笮君長聞南戶與漢通得賞賜多多

欲願為內臣妾請吏比南戶上問相如相對曰邛笮冉駹者近蜀道

易通異時常通為郡縣矣至漢興而罷今誠復通為置縣愈於南戶上

以為然迺拜相如為中郎將建節往略定西南戶邛笮冉駹斯榆君長

皆請爲臣妾除邊關益斥西至沫若水南至牂柯爲檄通靈山道橋孫水以通邛笮還報天子大悅

相如傳

元鼎六年平且蘭遂平南

柯郡

按華陽國志與此年代不符

先是元鼎五年秋南粵反叛上使越馳義侯遣別將發夜郎兵下牂柯江咸會番禺且蘭長恐遠行旁國虜其老弱乃與其衆反殺使者及犍爲太守漢乃發常擊南粵者八校尉擊之會越已破漢八校尉不下中郎將郭昌衛廣引兵還行誅隔滇道者且蘭斬首數萬遂平南

已破漢八校尉不下中郎將郭昌衛廣引兵還行誅隔滇道者且蘭斬首數萬遂平南

爲牂柯郡夜郎始倚南粵南粵已滅還誅反者遂入朝上以爲夜郎侯

漢書成帝河平二年冬十有一月夜郎長款與鈞町長禹漏臥長俞舉兵相攻遣大中大夫張匡持節和解不從迺以金城司馬陳立爲牂柯守招諭款款不從丁巳立捕殺款衆皆降

光武建武二十有四年命新息侯馬援討五溪蠻失利

此言命將討不庭也先是武威將軍劉尙擊武陵五溪蠻

水經注五溪謂雄溪楠溪西溪辰溪溇溪即鎮遠深入軍沒援請

行帝以援老未許援據鞍顧盼以示可用帝曰矍鑠哉是翁也遂遣援

率中郎將馬武耿舒等將十二郡募士及弛刑四萬餘人征之軍至臨

鄉

縣名屬武陵郡擊破賊皆走入竹林中初軍次下雋

縣名沅陵辰州屬有兩道可入從壺頭

山名屬辰州則路近而水險從充

縣名沅陵辰州屬則塗夷而運遠帝初以爲疑及軍至耿舒欲從充道援以爲弃日費糧不如進壺頭搃其吭充

賊自破以事上之帝從援策三月進營壺頭賊乘高守隘水疾船不得上會暑甚士卒多疫死援亦中病遂困乃穿岸爲室以避炎暑

武陵記云壺頭山邊有石窟卽援所穿也穴中有大蛇賊每升險鼓譟援輒曳履觀之左右哀其壯志舒與兄弇書曰前舒上書當先擊充糧運雖遠而兵馬得用軍人爭欲先

奮今壺頭竟不得進大衆佛鬱行死誠可痛惜前到臨鄉賊無故自致若夜擊之卽可殄滅伏波類西域賈胡到一處輒止以是失利今果疫

疾皆如舒言弇得書奏之帝乃使虎賁中郎將梁松乘傳責問援因代

監軍會援病卒松曩謁援拜牀下援以父執不爲禮松宿懷不平因事陷之帝大怒追收新息侯印綬初援征交趾常服薏苡仁以消瘴南方蕙仁實大援欲以爲種軍還載之一車人疑爲南海珍寶權貴皆垂羨時上方寵援故莫敢問及卒有上書讒之者馬武與侯昱亦以章言其狀帝益怒援妻孥惶恐不敢以喪歸舊塋裁買城西數畝藁葬而已

安帝永初元年夜郎侯舉土內屬拓境千八百四十里

後漢書

靈帝熹

平三年牂柯饑 蜀漢建興元年夏牂柯守朱褒叛應雍闓 三年丞

相亮南征夜郎長濟濟火迎降先驅所至克捷 延熙十有一年涪陵

國人殺都尉叛車騎將軍鄧芝討平之

晉志涪陵郡夷思播黔費五州地華陽國志芝征涪陵見黑猿

緣山芝性好弩手自射猿中之猿拔其箭卷木葉塞其創芝曰嘻吾違物之性其將死矣或曰芝見猿抱子樹上引其弩射之中其母其子爲拔箭以木葉塞其創芝乃嘆

息投弩水中自知當死 晉永嘉二年分牂柯立夜郎郡領夜郎四縣

永昌三年尹奉爲寧州刺史募檄外夷刺殺爨亮降李暹 寧康元

## 黔 史

卷一

三

貴陽文通書局代印

年冬十一月苻堅克梁益二州邛笮夜郎皆附於秦堅敗復於晉 周

保定二年蠻獠叛遣開府陸騰討平之

按本傳騰開道得古鉞係諸葛亮桓溫故道

隋大

業七年置綏陽縣按蜀漢復荊州武陵諸郡皆隸焉後荊州屬吳而牂

柯乃屬蜀漢之益州及晉平吳荊州郡縣屢有分析而武陵諸郡常屬

荊州晉泰始七年置南寧州統郡八牂柯屬焉旋廢自後沿革多無可

考 唐太宗貞觀元年以牂柯北界地置朗州並置縣六曰恭水高山

貢山邪施柯盈釋鷲十一年廢十三年復置州更其名爲播更恭水爲

羅蒙又更爲遵義府

府之名始此

更高山爲舍月柯盈爲帶水釋鷲爲胡刀

元至元廿八年置平月長官司明洪武十四年置平越衛

靖果園云遵義府所轄多

唐珍州漆州地所得播州地恐多在平越界內觀胡刀瑯川二廢縣可見

苦無載籍可証耳愚按舊志以平越爲朗州朗州改名播州是播州之名

復以白綿堡置播州皆非今遵義府治皆珍州漆州境上遞相沿革故耳

惟置遵義軍則今 四年改務州爲思州 先是以隋巴東郡之務州

扶陽置務州至是改焉此思州當在婺川尋以涪川扶陽兼開南蠻置費州

八年以多田城樂二縣隸費州以高富隸黔州即今思南十六年開山洞

置溱州領縣五曰夜郎樂源即今黃平舊州城榮懿扶歡麗皋即餘慶縣旋廢又

開山洞置珍州元和三年州廢長安四年析沅州夜郎涇溪置舞州

元宗開元二十有一年置黔中採訪使治黔州代宗大歷四年夏

六月辛亥升辰州為都督府析沅辰溪錦業等州置團練觀察使

五年冬十二月乙未改巫州為叙州業州為獎州即鎮遠領縣三曰峩山

即鎮遠縣涇溪梓薑今施秉西北四十里有梓薑關疑即古梓薑縣也初開元十三年更舞州為

鶴州以舞與武同音二十年又改鶴為業至是又改業為獎開元二十

有六年廢胡刀瑯川二縣併入帶水在今餘慶縣江外十十年春正

月丙寅罷辰錦溪淑獎五州經略使復隸黔中舊志以餘慶為費州

安化為思王婺川為都濡印江為思叩石阡為夷州桐梓為珍州綏陽

黔史卷一四長陽文通書局代印

為洋川思州為務州思南為黔州又按通志以費州為思南溱州為桐

梓珍州為正安州錦州為銅仁叙州為黎平盤州為南籠稱名互異前

後年分多舛文獻不足闕疑可也按以餘慶為貴州又以為思南非也

費州距今思南府治東北百里不知何所思南本唐貞觀三年以南謝

蠻首領謝疆地置莊州四年改名黔州宋為思州通志謂有兩思州非

也二田分據思州地以其南為思南也又云溱州為桐梓者非也溱州

距桐梓二百里距播州治北二十五里不知何所至云溱州所屬之扶

歡縣在桐梓扶歡山下者近是按榮懿扶歡二砦本楊光吉所據地隸

涪州南川又云珍州為桐梓又以為正安州亦非也珍州距正安南四

十里遺址猶存即古播州亦非今郡治相傳白綿堡者近是大抵唐貞

觀以後以今之平越隸播州以今之遵義分隸珍州溱州至大觀端平

年間置播州乃屬遵義然貴州自明萬歷以前未入版圖諸郡縣特遙

置名目非砌築城垣實指所在如內地於今無疑也然必以正史爲斷

德宗貞元四年冬十月經略韋臯聞吐蕃將寇西川遣書敘述雲南

歸化之誠按遺書當係吐蕃也始相疑貳遣兵屯會川以塞其趨蜀之路要大

臣子弟爲質雲南益怒歸志愈堅吐蕃兵勢始弱按南詔諸蠻古西

南奧區與川之嚮敘黔之思播邛笮相連屬雲南入蜀路有二一由金

沙江一由黔之大方畢節赤水而黔路較平坦雲南西與吐蕃接以兵

阻之則路絕至是蜀與雲南合路通則吐蕃不能寇西川矣五年冬

十月丙午韋臯與東蠻合力破吐蕃擒其將臧遮吐蕃挫銳八年春

二月壬寅雲南路絕復通十一年春正月乙亥黔中經略王鏐爲廣

州刺史嶺南節度王礎代之九月丁巳加韋臯統押諸蠻及山西八

國雲南安撫使十二年春正月乙丑加韋臯渾瑊等同平章事悉授

天下方鎮以悅其意二十年冬十二月吐蕃南詔日本國遣使來

黔史卷一五 武陽文通書局代印

憲宗元和二年詔思費夷播漆錦叙蔣八州皆隸黔中採訪使八年

牂柯國請內附文宗開成三年牂柯蠻寇涪州清溪鎮兵擊却之

武宗會昌元年春三月黔南大風飄瓦六年春正月己未南詔牂柯

昆明等國遣使來宣宗大中六年閏六月庚子遣使徧詣塞下召酋

長諭以禍福邊境悉安懿宗咸通元年南詔豐祐卒朝議因其不常

擾邊子名酋龍音近元宗廟號停其冊禮酋龍遂自稱皇帝國號大禮

改元建極遣兵攻陷播州十月安南都護李鄴復取播州十一月

南詔引兵攻陷交趾鄂與監軍俱奔舞州二年冬十月遣神策將軍

康承訓率禁軍及江西湖南兵至安南蠻遁去四年夏四月南詔寇

左右江逼邕州承訓至邕蠻寇益熾詔發許滑青汴兗鄆宣潤八州

兵赴援踰月與戰俱沒惟鄆兵後至其小校夜縋城出率勇士燒營斬

蠻首五百大驚解去承訓追之殺掠甚衆奏捷中外皆賀加承訓檢校

左僕射其餘子弟皆受賞燒營將校反不加恩軍中皆怨 十四年五月南詔連寇西川黔南黔中經略使秦匡謀棄城奔詔斬匡謀籍其家僖宗乾符二年春正月丙戌轉高駢西川節度使修邛峽關諸城柵又築馬湖鎮號平彝軍控蠻要路自是稍不敢入 五年四月南詔因駢來請和親禮部侍郎崔澹議駢不識大體傳笑後代盧攜欲與之鄭畋固爭不可遂致相詬上怒曰何以儀型四方 先是德宗建中三年牂柯酋長來大酋長檢校蠻州長史資陽郡公宋鼎與諸謝請朝德宗以其國小不許訴於黔中經略王礎以州接牂柯願隨牂柯來礎奏牂蠻二州戶繁力强爲鄰藩所憚請許三年一來從之至昭宗乾寧三年黔南觀察使王肇以其地降於王建牂柯諸州不通中國蠻酋分據其地自置爲刺史 按是時主德昏庸紀綱紊亂兵戈滿地民不獲耕愁苦之聲無處無之而四夷亦併起侵寇以窺中原至有以和親之議請

黔 史

卷一

六

武陽文通書局代印

於朝殊可笑也 五代後唐莊宗同光三年蜀王衍降得蠻地六十四州 明宗天成二年八月乙酉牂柯使宋朝化及昆明等一百五十人來至孟知祥據蜀復不通 石晉天福五年牂柯張萬濬率戶播等七州皆附於楚馬希範 先是溪州刺史彭士然率錦獎諸蠻攻澧州希範遣將劉勅劉全明等以步卒五千擊之士然大敗勅等遂攻溪州士然走蔣州遣其子師鬲率諸蠻酋降於勅溪州西接牂柯南寧南通桂林象郡希範乃立銅柱爲表命學士李皋銘之於是南寧州酋長莫彥殊率其本部十八州都雲酋長尹懷昌率其昆明等十二部牂柯張萬濬率其夷播等七州皆附於希範



宋太祖乾德元年春洞谿番長納款輸誠 太祖既下荆湖思得通蠻

情有辰州獠人秦再雄者武健多謀爲諸蠻所服太祖擢爲刺史厚恤

之仍使自辟吏屬予一州租稅再雄感激激選親校二十人分使九谿一

十八洞及巫淑誠獎等州傳朝廷懷遠之意莫不風從各得降表以聞

再雄盡瘁邊圉六州連袤數千里不煩一兵不費一帑終太祖之世邊

境無患 二年夏四月溪淑獎等州民相攻劫遣殿直牛允齋詔諭之

乃定 此言遣者不得不  
遣也難之之詞 秋播州田禾一莖兩穗 開寶九年獎州長

田處達來 太宗太平興國元年番部長楊通蘊來進寶玉文馬珊瑚

樹詔授通蘊爲徽州刺史 雍熙二年龍漢濬自稱權南寧州番落使

遣牂柯諸州酋長來貢方物名馬並上蜀孟所給符印詔卽真以其長

黔 史

卷二

七

黔陽文通書局代印

爲懷化司戈 端拱二年漢濬傳牘五溪酋約入貢 宋史有龍番方

番石番羅番張番五姓又有章番程番比附號七番元史又以大小龍

番臥龍番洪番盧番合方番程番石番謂之八番皆常奉貢受爵 詔

限貢 按宋史濬化咸平之間溪洞土司率其部落以方物良馬入貢

者絡繹萬里外往返艱辛以朝廷賞賜過厚又觀瞻所在苗民極爲欣

羨故也咸平年間封蠻部一百三十人爲官皇祐年間封蠻部首領九

十三人爲郎將治平年間封至二百四十一人爲部將其長爲寧遠將

軍兼刺史武寧將軍兼刺史其金幣之厚又無論已貢使人數之多每

歲至七八百人甚至千百餘人元豐以後有詔限五歲聽一貢人有定

數無輒增加及別立首領以息公私之擾命宋敏求編次諸國貢奉錄

客省四方館饌儀皆著爲式於是溪洞貢事稍衰焉 仁宗嘉祐二年

楊通蘊弟通寶繼行人貢龜筒犀角蜀馬稱誠州刺史通寶美姿容通

文學善辭令朝廷嘉賞之詔授誠州刺史 五代以來諸楊專洞溪受命爲刺史自通蘊始 五年獎淑播錦費等州來 神宗熙寧五年秋

七月遣章惇察荆湖北路北江彭氏南江舒氏並思州田氏向氏皆隸辰州入貢受朝命開梅山置安化縣犴城砦 六年五月播州楊貴遣

子光震來貢命爲三班奉職 七年指揮使楊正棠將兵平苗留守施秉橫坡 八年春三月戊戌從知河州鮮于師中奏置番學校番子弟

賜田十頃歲給錢千緡增解進士二人 九年春正月己卯章惇招降五溪蠻五溪皆平 綱目 元豐八年辰州江外生蠻願輸租內附不許

此湖廣轉運使言也自是五溪郡縣置而不問 徽宗大觀二年六月瀘南夸任應舉納土復建珍州渝州蠻趙秦等內附建溱州 三年

二月丙子朔播州楊文貴納土即其地置遵義軍 政和三年十二月築溱播等八州城 七年番部長田祐恭內附置思州 五代以來諸

黔 史 卷二 八 貴陽交通書局代印

洞驕恣獨思州田氏奉法醜謹保安番部屢賜璽書褒之且代產異才宋興輸金佐命乾德三年親行人貢太祖知名甚嘉賞賜亦厚世爲思州守號思州大田鎮遠府轄亦大田溪洞地也 宣和四年廢思州

高宗建炎二年調思州田氏討劇賊王闢 紹興元年復置思州 按此

當屬思南思南本古大姓謝疆所據地唐貞觀三年置莊州四年改名黔州其地至唐之思州本今婺川至元十四年置思州宣撫司治龍泉坪因龍泉火徙治都郵即今思州府也至正二十二年田茂安始分據其地降於明玉珍置思南都元帥府即今思南府也舊志謂有兩思州之疑以此又開元以後只言費州不言黔州志無明文不敢臆 六年

詔沿邊溪洞諸州置弓弩手 知鼎州張覺言澧辰沅靖溪洞接壤祖宗時常置弓弩手得其死力比緣多故遂皆廢缺詔荆湖北路帥師以

聞帥師言當四川舊制弓弩手九千一百一十人分處要害量給田土訓練以時耕戰合度庶可備禦詔從之 孝宗乾道六年盧揚西口獠

陽添朝寇邊孫叔傑攻之敗績 初獠入與省戶交爭殺一人孫叔傑

輒出兵破其十三棚奪其所侵地於是獠人相結爲亂諸司請調武陵兵益守兵三千合擊討之宰臣虞允文奏曰蠻夷爲變皆守臣貪功所致今獠人仇殺守臣若更叔傑量遣官軍示以兵威徐與盟誓自可平定帝可其奏命葉行代叔傑開示忠信諭以禍福遂招降之邊境乃平

寧宗嘉泰元年土官宋永高平麥新以其子宋勝守之改麥新爲新

添

新添之名始此

開禧三年冬十月乙卯復珍州遵義軍五年秋九月庚

戌遵義砦夸楊煥來貢馬嘉定六年秋八月庚午思州田宗範作亂

夔州路安撫司遣兵擊平之理宗淳祐三年二月余玠爲四川制置

使能養士播州冉璉及弟璞居門下數月無所言玠疑之使人窺其館

對踞以堊畫地爲山川城池之形因請見玠屏人曰某弟兄辱明公禮

遇無稍裨益爲今日西蜀之計其在徙合州城乎玠不覺躍起執其手

曰此玠志也但未得其所耳璉曰蜀口形勝之地莫若釣魚山請徙諸

黔

史

卷二

九

黃隆文題書局代印

此若任得其人積粟以守之賢於十萬師遠矣玠大喜曰玠固疑先生

非淺士先生之謀玠不敢掠遂密聞於朝詔權通判合州徙城之事悉

以任之釣魚城成蜀使可守昔人謂番之有才爲播良然四年夏五

月丁巳詔雄威軍都統楊价連年調戍有功特轉右武大夫寶祐二

年秋七月詔加恩思播二州守臣田應庚楊文四年夏五月甲辰詔

思播結羅鬼爲援羅氏遣報元兵屯大理國取道西南將大入寇詔

發銀萬兩使思播結援故有是命五年夏四月己卯元兵破苦竹隘

守將楊立張實戰死閏月己酉詔築思州三隘

在鎮遠偏橋地禦元兵也

十一月

乙亥詔荆湖帥臣分置黃平清浪平溪屯戍六年春正月甲戌出封

樞庫銀命呂逢年相度黃平思播諸險要趣辦屯柵夏四月丁酉擢

田應已御前忠勝軍副都統制駐思州築播州關隘冬十一月甲寅

築黃平賜名鎮遠州

鎮遠之名始此

度宗咸淳二年夏六月丁丑給羅鬼國

化州印 帝熹德祐元年春正月加知播州楊邦憲知思州田謹賢並

團練使尋加觀察使趣兵入衛 元世祖至元十有四年春宋人大去

其國即宋王帝昞景炎元年 思州長田景賢播州楊邦憲相繼送款俱授安撫

司置鎮遠沿邊溪洞招討使尋立軍民總管府以田氏為總管聽順元

路宣慰司節制 十有五年秋七月壬午朔宋湖南制置使張烈良提

刑劉應龍及元軍戰死之書死之與其不屈於元也 烈良率所部周隆賀十二起

兵行省調兵往討執周隆賀十二烈良舉家及兵奔思州烏羅洞為元

軍所襲二人皆戰死 冬十有一月丁亥辰沅靖鎮遠等郡蠻獠接壤

民居詔塔海程鵬飛分監湖北道宣慰使置司常德路 十六年春三

月甲戌授八番龍文求為臥龍番龍延三為大龍番龍方霖為小龍番

俱安撫司得洞寨一千六百二十六所 冬閏十一月庚戌羅施鬼國

阿榨內附立羅甸軍民安撫司 十二月丙申楊邦憲請以鼎山縣隸

黔 史 卷二 十 廣文通書局代印

播州尋改為播川縣 十有七年春三月申辰思播軍侵鎮遠黃平界

即今偏橋 命李德輝往視之 德輝通州潞縣人西南夷叛德輝以左丞被

命至播遣張李思諭鬼國趣降其長阿察熟德輝名曰是活合州李公

耶其言可信即自至播州泣直告曰吾屬百萬人微公來死且不降今

得所歸蔑有二矣德輝上聞乃改鬼國為順元路以其長為宣撫使司

有以德輝受賂譖於朝者帝曰是人朕素知一羊不受寧有是耶德輝

還至黃平夜星貫如斗嘆曰吾嘗夢至烏江今播水名烏江適遇星貫

吾死徵矣吾嘗奇曹武惠為將不殺今所活者多馬革裹尸歸何恨病

七日卒諡忠宣 冬十有二月羅施鬼國土寇為患思播道路不通發

兵千人開道 戊子詔發也可不辭軍千五百人復還塔海戍八番羅

甸 十有九年春二月壬子詔僉亦奚不辭及思播渝三州軍伐緬國

也可不辭亦奚不辭俱羅氏別部 二十年夏六月辛亥四川行省參政曲立志思討

平九溪一十八洞定其地設州縣置貴州等處長官司領於順元路安

撫司

靖果園云貴州之名始此然讀五代史周太祖事漢銅天雄軍時世宗領貴州刺史天雄軍牙內都指揮使貴州之名其來似舊

二十有一年改思播二州隸順元路 夏四月壬寅發思播二家軍從

伐緬 二十六年十一月丁巳改播州爲播南路 二十有八年六月

丁卯朔立黃平元帥府隸播州 冬十月中書省臣言溪洞歲進馬五

十匹雨氈五十被刀五十握丹砂雄雌黃等物率二歲一上詔從其所

爲 十一月乙卯新添葛蠻洞官阿汾青貴來貢立葛蠻軍民安撫司

二十有九年改思播二州隸湖廣省 改烏蒙爛土軍民安撫隸八

番都元帥以土人爲使 金筑蠻長貢馬兩氈 柔州生苗羅甸國古

州等峒苗來降 十一月丙戌提省溪錦州銅人諸洞渠長楊秀朝木

忽魯甸土官阿魯等來 三十年夏五月括思播等處亡宋涅手軍

冬十二月遣使督思播二州及鎮遠黃平宋舊軍八千人從伐安南

黔 史 卷一 十一 貴陽文通書局代印

成宗大德三年春二月立烏蒙烏撒等郡置維摩州 五年雲南土官

宋隆濟叛水西土官之妻蛇節以其衆應攻貴州知州張懷德戰死蛇

節懼行省右丞劉深脅供餽三千金馬三千匹故以兵應 六年冬升

普定府爲路以故知府容苴妻爲總管 滇志云容苴効順既沒其妻

能宣力戎行故有是命 八年宣撫宋阿重擒隆濟斬之蛇節降并殺

蛇節 武宗至大元年夏六月丁酉烏蒙烏撒地大震

凡三日夜 秋八月

己卯平伐蠻長不老丁遣使來降卽其地立安撫司 仁宗延祐元年

夏五月思州饑賑之 五年冬十月播州南寧長官洛麼作亂思州守

臣換住歌招諭之洛麼遣人以方物來 泰定帝泰定元年春鎮遠饑

秋七月思州平茶酉陽二司賊寇小石耶凱江等寨調兵捕之

平茶賊楊 大車也酉陽賊再世昌也 思州洞長楊銀千來 八番生蠻章光正等及楊黃五種

來降俱授長官司 番播大旱疫 三年春三月番長表願輸布二千

五百疋設番部官鎮撫之 夏六月癸酉播州黎平愛合謝烏窮爲寇  
宣慰楊燕里不花招平愛出降烏窮不附命湖廣行省討之已而燕里  
不花反引四川賊囊加台至烏江加台分兵寇襄陽歸州月魯帖木兒  
及參政孛羅奉詔至四川招諭之 十一月播州蠻宋王保來 四年

冬十一月庚子授思州土官田仁爲宣慰使播州謝烏窮爲長官司

文宗至順元年雲南諸王禿堅及萬戶伯忽等叛調八番元帥完澤及

宣慰阿晝爲滇省左丞從豫王阿剌忒納失里等討之四月蠻酋祿余

殺烏撒宣慰官吏降於伯忽羅羅諸蠻俱叛與伯忽應詔即遣豫王亟

會兵分道剿平之擒伯忽等斬於市衆潰散至三年祿余亦降 二年

夏五月丙申八番西蠻官阿馬路來貢 秋九月思州鎮遠饑賑之

五百 順帝至元元年春三月癸未貴州平伐都勻定雲蠻長寶郎天

都蟲等來降即其地立宣撫司授之 十二月壬戌詔四川雲南保舉

黔 史 卷二 十一 貴州文通書局代印

蠻部官以俟銓注 割湖廣元領新化古州潭溪龍里洪州諸洞苗民

戶隸靖州 至正二年秋九月復谿洞堡寨二百餘處 六年七月散

毛洞蠻覃全在叛招降之立散毛軍民宣撫司 二十有二年鎮遠土

知府田茂安降於僞夏 僞夏明玉珍也玉珍初爲紅巾賊黨倪文俊

已而據成都自稱蜀隴王國號夏置思南道都元帥府

李芝麻帥兵由八番分陷雲南

是時貴州屬玉珍按舊志云土知府通志  
云知州然考洪武五年降鎮遠府爲州則

舊志  
爲是

明太祖洪武元年春正月征僞漢略地湖南思南宣慰田仁智來歸  
思州宣撫司田仁厚來獻地 仁智遣都事楊琛歸附並納元所授宣  
慰誥帝以率先來歸大悅俾仍爲思南道宣慰使以三品銀印給之授  
琛爲宣撫司未幾思州宣撫田仁厚亦遣都事林憲萬戶張思溫來獻  
鎮遠古州軍民二府婺川邛水常甯等十縣龍泉瑞溪沿河等二十四  
州於是改思州宣撫爲思南鎮西等處宣慰使司以仁厚爲使二年仁  
厚卒子宏正襲 五年施秉臻鵬六洞橫坡內寨等處長官楊正麟來  
獻版圖 春三月辰州一十八洞及九溪九渡米坪散毛狃溪洞諸蠻  
結亂衛國公鄧愈爲征南將軍楊璟爲副討平之 秋八月愈等平散  
毛三十六洞副將江陰侯吳良平五開單溪古州凡二百二十三洞

黔 史

卷三

一

廣文通書局代印

降鎮遠府爲州隸思南宣慰設清浪梅溪相見柳塘四堡 當是時五  
溪犵狓諸蠻不服役每有扛擗遞送輒棄中途故設四堡以都指揮顧  
成監督之 陳特菴曰此堡建在衛先與他處不同 九年仁智來覲 帝賜織金文綺有

加詔曰天下守土之臣皆朝廷命吏人民皆朝廷赤子女歸善撫之俾  
各安其生則長保富貴夫禮莫大於敬上德莫盛於愛下能敬且愛人  
臣之道也仁智謝恩歸至九江龍成驛病卒有司以聞上遣使持節調  
棺給斂賜金繪絮并敕送柩歸思南 十有一年蝗 十有三年夏五  
月湖南五溪蠻作亂江夏侯周德興率師討之蠻散去 十有四年穎  
川侯傅友德爲征南將軍永昌侯藍玉西平侯沐英爲副征雲南大軍  
由辰沅趨貴州普定擒安瓚諸蠻聞風降貴州路通沿途設堡於時尙  
未建衛 初水西宣慰靄翠與貴州紅邊宣慰宋蒙古歹來歸帝優恤  
之賜蒙古歹名欽已而欽死其妻贖珠代襲宣慰謀與翠妻奢香入貢

方物馬匹帝大悅賜金幣服色甚厚責香置龍場九驛開偏礮東水以  
達烏蒙烏撒容山草堂諸境西南日闢翠死香亦循例代襲自是歲歲  
貢獻報禮之隆亦非他所敢望也

翠齊火後安氏祖翠妻奢香繼殺都督馬輝雖聯威暴自取而安氏之強

自是不可復制矣

二十年移思南宣慰治於鎮遠 所謂思州爲鎮遠豎眼

大田谿洞是也當太祖時思南思州二田稱強盛畫疆分理貢使不絕  
恩遇亦加隆焉然素循謹奉法未若他州負固橫恣晚僅以私怨失國  
不猶於屠慘者乎 置衛 設指揮千百戶五所每衛約官軍五千六

百有奇建屯堡置哨凡軍丁俱係湖廣郴桂二州七縣三戶垛籍朋充

改思州偏礮司得勝寨爲偏礮衛遷其民於東 二十有五年城偏

礮衛 二十有九年清水苗金牌黃作亂都司發兵捕之遁去獲其黨

五百餘人械至京師以其脅從宥死戍邊寨既有言金牌黃匿宣慰家

者詔勿問 三十年春三月古州苗林寬叛殺龍里千戶吳得鎮撫井

黔

史

卷三

一

一 貴陽文通書局代印

孚 冬十月鎮遠侯顧成統兵勦捕鎮遠臻部六洞賊苗高坡九股黑

苗富銀阿賴等叛殺本管土官劉友尙至是並勦平之鬼長箐苗作亂

指揮萬繼百戶吳彬戰死都指揮許能率兵會偏礮衛兵擊敗之 建

文元年春正月黃霧四塞 成祖永樂九年偏礮左所千戶宋成及苗

戰於黃白水陣亡 十有一年革兩宣慰使析置府 倚漢武陵郡本

無陽縣地晉爲濼陽隋屬清江郡唐長安四年以沅州之夜郎渭溪二

縣置舞州天寶元年更夜郎名峩山又屬思州寧彝郡大歷五年改爲

獎州又爲思播二州之地思州之思印思王播州之胡刀瑯川諸廢縣

皆在府境內唐末沒於蠻石晉時附於楚馬希範宋屬思州田氏元初

置鎮遠沿邊溪洞招討使後改爲鎮遠府屬思州軍民宣撫司明洪武

五年改爲州屬思南宣慰司至是廢思州思南兩宣慰析置府先是仁

智入覲時仁厚子宏正與其弟宏通等來帝命禮部皆優賜十有一年



仁智子大雅襲奉表謝恩十有四年大雅入覲二十年宏正死子琛襲  
土官趙士能來貢馬永樂八年大雅死子宗鼎襲初宗鼎凶暴與其副  
使黃禧構怨奏訐累年朝廷以田氏世守土又先歸誠曲意保全改禧  
爲辰州知府未幾思州宣慰田琛與宗鼎爭砂坑地有隙禧遂與琛結  
圖宗鼎率兵攻思南宗鼎挈家走琛殺其弟發其塚戮其母尸宗鼎訴  
於朝屢敕琛禧赴闕自辨不至潛使人入教坊司伺隙爲變發覺遣行  
人蔣廷瓚召之復拒命乃遣鎮遠侯顧成將兵壓其境執琛禧械赴京  
師皆引服琛妻冉氏尤強悍遣人誘台羅等寨苗普亮爲亂冀朝廷釋  
琛還撫以免死帝聞而錮之以宗鼎窮迫來歸得末減而宗鼎必得報  
怨以絕禍根帝以宗鼎幸免不自懲乃更逞忿亦留之宗鼎出誹言發  
祖母陰事與禧奸以構禍本祖母亦發宗鼎瀆傷人倫乃下於理而田  
氏亡先是帝亦欲郡縣其地而未有間至是謂戶部尙書夏原吉曰琛

黔

史

卷三

三

貴陽文通書局代印

宗鼎分治思州思南皆爲民害琛不道已正其罪宗鼎滅倫罪不可宥  
其思南思州三十九長官地可更郡縣設貴州布政使司總轄之以蔣  
廷瓚爲布政使命顧成勦臺羅諸寨斬普亮思州乃平十有二年析其  
地爲八府鎮遠思南思州石阡銅仁黎平烏羅新化後省烏羅新化二  
府貴州爲內地自是始 仁宗洪熙元年春正月詔貴州就試湖廣

宣宗宣德元年春正月詔貴州就試雲南 夏苗殺楊通諒 通諒赤

溪洞長官也有邛水奧崗賊苗張奴劫掠清浪道中爲思州都坪峩異  
溪長官所獲其父苗銀總劫取之聚兵欲攻思州總兵蕭授飭土官通

諒往撫銀總伏兵殺通諒又劫埂崗授奉調辰沅都衛兵萬四千人勦  
之會於清浪衛指揮張名克奧洞盡殺其黨銀總遁冬十月偏僑指揮

使陶貴等昌江陣亡 五年苗殺清浪守葉受 烏羅知府嚴律已言

所屬治古答意二長官石各野等聚衆出沒銅仁平頭瓮礮諸處誘脅

蠻賊石雞娘并篁子坪長官吳必郎等共爲亂招撫不從緣其地與鎮溪西陽諸蠻洞接壤相煽爲亂請調官士兵勦之平定後宜置衛所巡司以守之事聞命總兵蕭授與鎮巡諸司議授築二十四堡環其地守之兵力分卒難捍禦益四出劫殺清浪鎮守勢益蹙巡按御史以聞言生苗之地不過三百餘里乞別遣良將督諸軍殄滅復言賊苗吳不爾等遁入篁子坪結生苗龍不登等攻劫湖廣五寨及白崖諸寨爲患滋甚宜合川湖貴官士兵分路并力攻勦庶除邊患從之既降敕諭授言暴師久患蹉跌爲蠻羞或撫或勦朕觀成功不從中制 英宗正統元年春正月雪雹 三年復鎮遠爲府 四年免徵鎮遠等司鹽鈔

九年冬置施秉縣於前江 改前江長官司爲土縣丞世襲副之明施秉縣無儒學亦無典史 宋以前俱爲思州地元改前江等處軍民長官司隸思州

宣撫司洪武五年改前江爲施秉長官司仍屬思州至是設縣後征苗黔

史 卷三

四

貴陽文通書局代印

大勝於此更其名曰勝秉夏六月苗民饑發粟賑之十有四年邛水十四寨及九股苗同政府衛城掠府庫遂陷思州府 夏四月偏橋官軍及苗戰於地壩瓮塘等處右土官楊昌進陣亡 草塘苗龍惟保陷石阡府知府胡信遇害又攻赤水城都司張祥戰亡連陷平越衛黃平所及思南府總督侯璉都督方英調兵討之 土木之變侍御申祐殉難

祐思南人嘗其時求似帝貌者衆以祐當之遂及於難後肅重竊奏請乃奉詔爲祐立祠賜諡文恭 景帝景泰元年春

霖雨秋苗叛益張保定伯梁瑤佩平蠻將軍印督師勦之 先是王驥征麓川悉調貴州兵以行久之諸苗叛驥還討擒酋韋富撓等獻俘驥以老病告歸 麓川之役讀傳廣文一疏可爲痛哭 使璉代璉駐師雲南

相去遠瑤自湖廣入貴州未至其當推貴撫無敢往者獨修撰王恂毅然請行行則新添龍里平越畢節等衛被圍已久兵少難進時值兵部侍郎何文淵上言以兵疲民困轉運不給而苗人叛服不常議暫撤布

政以下大小官吏及從征官軍如洪武年例設宣慰使司管屬土人設都司都指揮等官鈐束軍衛而以大將鎮守之便時邊警方急衆唯唯謂文淵言是獨兵部尙書于謙執不可以爲太祖高皇帝開創於前成祖文皇帝經營於後迄今將百年法制已定勢無可更比來邊將處置乖方加以南征之師屢出遂致賊寇竊發小有枝梧動言棄擲曰蹙國百里伊誰之咎文淵先會奉使貴州備語山川苗蠻情形宜量從陞職給敕以往令相度形勢便宜行事至賞賜銀幣卽就彼官庫支給不必京師運發議定請旨帝是謙言然不復遣官祇着璉瑤整理進勦時驥尙候代未行並勅協力於是副總兵田禮進兵解平越圍璉調兵勦水西瑤由烏撒會於畢節援安南衛遂克彌勒安南等二十餘寨降阿蒙等五寨賊復圍平越璉回兵擊却之遂解清平圍至重安江與驥會至是龍里至鎮遠道路皆通而普定之圍未解璉自將趨普定疾戰矢下

黔 史 卷三 五 貴陽文通書局代印

如雨時禮兵亦至遂大破之諸衛悉平 四年苗酋韋同烈據香爐山作亂三月右都御史王來討平之 先是安莊女苗撒得爲土舍林天仲妻不相能值富蠱作亂得乃挾兵從蠱圍平越蠱惑之迎得巨魯寨通得住三日許事成爲后會驥征麓川歸乃擒蠱並得解京師時香爐山賊惟蠱與同烈最强天仲恨妻得奔蠱曾偕同烈兵殺得不克至是得請於朝願爲香爐鄉導立功贖罪值謙遣國初降番徙置河間東昌降番者永樂間邊塞來降者謙慮其乘釁騷動請籍其有名號者厚犒令從征香爐山勒留南中以絕也先之應於是數十年積患一旦潛消以故得得請第殺蠱而使得爲鄉導帥降番行且指之曰苗女之美如是也以歎之得乃引保定伯直搗同烈巢擒誅之而天仲亦斃於軍 五月調偏礮官軍一百二十四名鎮遠官軍一百二十二名防守施秉每衛指揮一員千戶二員春秋更換 夏六月蝥生苗災 大饑 五

年賊苗蒙能作亂巡撫王永壽以賊苗能攻圍龍里所新化銅鼓諸城  
乞調兵勦之而賊欲取龍里爲巢穴急攻破亮寨銅鼓羅開諸堡都指  
揮汪迪爲賊所殺朝議以南河伯瑛爲平蠻將軍統湖廣諸軍討之能  
糾賊三萬餘出攻平溪衛瑛遣指揮鄭泰等以火鎗斃賊三千人斬能  
龍里而能黨李珍尙煽惑苗衆官軍討平之克復銅鼓藕洞連破鬼板  
等一百六十餘寨覃洞上陸諸苗悉降 冬十有一月偏礮官軍克陳

溪瓮角龍蛟沙革彝地府黃猴等寨

築岑麓等堡

時縣無城防苗患也施秉縣土人楊

勝紀 天順七年獲蟲蝦 鎮守湖廣太監郭閔奏洪江南洞賊苗蟲

蝦糾合二千餘人僞稱王侯攻掠鎮遠四寨殺掠人民撫諭不從請合

兵進討命總兵李震李安等分道入賊退守平坤寨追至清水江捕斬

賊首飛天王並飛天侯苗老底額頭等六百四十餘人並黎平之赤溪

南洞等悉平

蟲蝦號飛天王

憲宗成化元年春正月給屯糧各省奏報水災

黔 史

卷三

六

貴陽文通書局代印

詔戶部勘實被災地方平清偏鎮辰沅六衛給與屯糧成熟准折月糧

九年大水 二十年陳蒙爛土苗龍洛道等作亂副都御史鄧廷瓚

率總兵顧溥勦平之 孝宗宏治元年春大旱 八年冬十有一月地

震 九年夏五月大水 十一年春置鎮遠縣 先是宋大觀元年改

峩山爲安彝元改爲鎮安至正元年復爲安彝縣尋改金容金達楊溪

公俄等處蠻巨正副長官司至是置縣於府南週街制定鎮遠縣 十

有三年地震 十六年普安妖苗米魯作亂巡撫陳金勦平之 十有

七年夏閏四月設衛學 先是十有二年闔省紳士赴闕請時宦寺李

廣蒙格不行十有四年復請又以火篩入寇中寢至是三赴闕大學士

李東陽疏請制曰可衛乃有學 武宗正德元年春霖 五年地震

六年江律賊寇屯堡鎮遠官軍及清浪軍討之擒賊首方四方七於平

溪河北城下殲焉 七年思州火 八年春設各衛學訓導一員 十

有一年御史洪範奏請將偏橋等衛儒學軍生照縣學例廩膳增廣各二十名其廩餼米於衛倉支給 十有三年夏貴陽大水 十有五年巡撫秦金奏將偏橋衛等學赴武昌鄉試按是時安貴榮欲減驛王守仁移書懇切曉諭水西安靖垂六十年可謂一紙賢於十萬師矣已而講學龍場席書又爲諸生請陽明講學於程番論者謂尹珍北學於許慎應奉歸以經學授梓里漢末至今杳難稽已愚謂貴州之學實開自陽明當其時接踵而起者思南有李同野貴陽馬內江清平孫淮海皆卓卓可紀貴州雖僻陋應發彼有人焉之嘆 世宗嘉靖元年春晝暝三年思南水德江潯巨石自轉 四年夏大水思南虎入署 十有三年夏大水 十有五年秋七月地震有聲 十有六年夏四月雨雹大如卵 十有八年春調平清偏鎮四衛兵伐安南指揮高序戰死 夏五月大水篁子坪逆苗龍老恰之子龍母叟聚衆及西溪苗頭龍求

黔 史

卷三

七

貴陽文選書局代印

兒糾銅平苗攻劫清浪衛 十有九年正月進於爆木坪是時苗尙知懼每寨各出牛酒求退我師至三月五寨司奸細侯答保刻箭誘篁子坪團溪板栗惡黨及銅仁且達諸苗出劫又鎮溪亞西苗龍柳比復搆亂苗之禍遂大屯聚騰爾山辰沅兵備副使李瑜調永保土兵委平溪都指揮高崗鳳同指揮朱衣進抵篁子坪苗頭龍遠吳得狗等咸稱願隨軍征討生擒首惡龍答己等俘獲百二十餘人並擒奸細答保又遣辰州衛尤欽傳啓忠督鎮溪兵三千人入騰爾山功幾成奉湖廣撫按火牌令退師議撫 二十有一年興隆天柱地震 篁子坪逆苗復糾合銅平苗攻圍麻陽縣城 二十有二年都御史萬鏗遣指揮李勇參將崗鳳都指揮潘瓊等督土官田應朝帶領鄉導搜出賊首求兒母叟擒獲柳比吳老瓦等共五十餘人鏗臨辰州以賊黨未盡歸降且阻留撫苗百戶二員於山內乃調兵萬餘令守備欽指揮吳山何清葉森督

土官彭宗順應朝彭蓋臣田興爵等入爆木坪防守五寨麻陽地方於  
了刺關把截鎮守備李英往來提調是時苗賊蓄食頗多羣聚抗敵  
復添兵萬餘次第搜山斬獲無算奪回撫苗百戶二員俘男婦七十餘  
人因暑雨班師 冬銅鎮苗攻陷石阡府推官鄧本中被執 二十有  
三年秋七月偏礮地震 二十有四年夏旱疫 二十有五年詔鎮偏  
平清四衛赴黔鄉試裁湖廣舉人五名附之 以諸生洞庭覆舟之變也  
施志云提學蔣信題請舊

志云衛人都御史侯 二十有七年賊苗龍許保攻陷印江縣總督張  
岳率兵討之不克 二十有九年銅仁苗陷思州府知府李允簡被殺

才不足以馭衆知不足以保 連年旱饑免秋糧霜結如花鎮遠府西  
身而猶能死事者故曰被殺

街火冬十有一月縣街火 三十年容山老毛團巴蜡等苗劫掠施秉

縣知縣撫降之 夏饑三十有二年岳進討湖貴逆苗遣總兵官石邦

憲進兵獲首逆杖殺之 先是篁子坪土官興爵以事繫辰州諸苗賄

黔 史 卷三 八 貴陽文通書局代印

吏陰脫歸藏臆爾山久之稍聚衆自大鉤結諸溪洞爲亂至是爲官軍

擒之並杖殺應朝而其亂始定應朝者本土指揮與興爵同族前都御

史萬鏜用爲巡捕使伺興爵應朝反結興爵煽諸苗鎮篁銅平及賊苗

龍許保等皆其所陰結爲應援者至是杖殺之 田應朝龍許保等皆當  
書誅此不書書殺者以

前督萬鏜信任故  
故以相殺爲文 三十有七年採大木於鎮遠偏礮施秉等處 四

十年春不雨容山司賊苗焚劫施秉縣 冬十月城施秉縣 舊志云嘉  
靖四十四

年冬十月施志云四  
十一年未詳孰是 穆宗隆慶四年夏六月蚩尤見 兆播州  
用兵也 秋八

月螟 神宗萬曆二年夏天柱螟 八月思南火 五年鎮遠府西街

火 民人江朝三失火延燒府治大門悉  
燬人見有黑而大神以袖拂之乃熄 威清虎入城傷三百餘人

六年播州大疫 七年秋九月偏礮黃平地震 十年夏五月普安大

水 十有三年運大木至涪州 委土官楊  
騰霄運也 十有九年春三月黎平蛟

出府儀門傷人 貴陽雨雹大如卵 二十有四年播州楊應龍大作

亂侵虛偏橋江外四十八屯焚掠鎮遠東坡濫橋應龍之叛也逆跡未形參將宋世臣與何承恩密告變至是應龍誦世臣父鑾挈家匿偏城中襲執指揮陳天寵索鑾等慘殺之播州自洪武初楊鏗內附世授宣慰司地方千餘里西北塹山東南俯江稱西南奧區至應龍性猜狠嗜殺數從調征恃功驕蹇知川兵脆弱有窺蜀志間出剽州縣嬰小妻田雌鳳讒殺妻張氏用誅罰立威所屬五司七姓被殘虐二十年以事逮繫重慶獄應龍詭以征倭自効得脫重逮不出黔蜀會師征勦無功重慶知府王士琦諭應龍至松坎聽勸諭斬得贖輸金四萬兩助採木以次子可棟羈府質追未幾可棟死於重慶促喪歸不得復檄完贖應龍大恨擁兵驅千餘僧招魂而去由是分遣土目置關據險厚撫諸苗名其健者曰硬手大掠大千諸壩焚劫草塘餘慶二司及興隆都勻各衛又圍黃平殺重安江長官勢大熾進掠平越洪頭高坪新村等堡

黔 史 卷三 九 貴陽文選書局代印

二十有七年巡撫江東之遣都司楊國柱帥兵及應龍子朝棟戰於飛練堡官軍敗績國柱指揮李廷棟戰死東之罷以郭子章代巡撫而起李化龍總督四川節制雲貴湖廣軍務調東征諸將劉綎陳璘等南征六月應龍乘大師未集陷綦江縣屠其城初賊本無意竟反徒以猜忍猖狂既以贖金喪子故且覆我師飛練則騎虎勢不得下以故益結九股生苗及黑脚苗爲助十有一月應龍屯兵官壩聲言窺蜀已而焚東坡濫橋黔楚路梗按王士琦松坎聽勸之役應龍而轉跪道左其非堅於叛亂可知况屢立戰功且輸金贖罪其曲直當有任其得者子喪不歸與漢吳王深同情特以猶嫌殘暴激而成之故書從其輕二十有八年春二月化龍駐節重慶徵兵大集時春雨渾泥已而天開霽丙戌誓師分八路川師四路總兵劉綎由綦江入總兵馬孔英由南川入總兵吳廣由合江入副將曹希彬由永甯入黔師三路總兵童元鎮由烏江參將朱鶴齡由沙溪總兵李應祥由興隆湖廣一路由偏橋分兩翼總兵陳璘由白泥副

總兵陳良珝由龍泉巡撫子章駐貴陽策應總督化龍自將中軍諭諸將以抵婁山關爲期且曰關外且戰且招降多不可勝誅也關內疾戰勿受降師不可老賊詐不可信也綦江道最要縱當之應龍熟縱名頗懼益兵守要害縱進兵李漢壩大戰生擒其將穆照等斬獲甚衆應龍遣子朝棟驍將楊珠拒松坎縱又敗之朝棟潰走遂大捷應龍固憚縱威名欲以奇兵挫其鋒至是膽益落聚守石虎關初縱聞征播命言官疑縱與應龍有舊縱辭化龍以平播非縱不可固留之力薦於朝縱乃受任進克石虎直抵婁山關婁山萬峯插天叢箐中投徑必側足賊設木關排柵十三縱用奇攻奪其關追至永安莊時三月二十九日也縱持重都指揮王芬者勇而寡謀以連勝有輕敵心獨營松門埡之賊謀奪婁山四月朔夜襲破芬營殺芬守備陳天綱天全招討楊愈俱戰死亡士卒二千人縱聞急救夾攻之賊始却縱懲前失疾戰疾力賊奔窮

黔

史

卷三

十

貴陽文通書局代印

追至養馬城是日應龍幾被獲乃不敢復窺婁山會孔英壁海龍囤下後數日縱兵亦至乃合攻龍爪海龍諸囤壓海龍囤而壘初化龍刻師期諸將莫利先入孔英所將邊卒及土兵皆獷悍孔英道南川獨險遠未至重慶時推官高折枝監紀軍事請行折枝沉而有謀故師獨先入先是元鎮有烏江之敗所部三萬人大半溺烏江死江水爲不流烏江最深險觸在壁立又以象戰駕象者斃象反走又斷浮橋爲賊所紿遂大敗諸路聞之皆懼却朝議逮元鎮以李應祥代將賊所恃黃灘一關最險要聚徒死守會降卒有石勝奉者告曰去黃灘三十里有三關入播門戶也先襲破之則黃灘難守應祥然其計以故由墳林暗渡襲關後賊潰敗應祥直抵海龍囤璘由偏礮亦至已而諸軍四集圍海龍囤海龍囤者賊所倚天險飛鳥騰猿不能踰者賊勢急父子相抱哭上面死守每路告降緩師化龍斬使焚書不許應龍起提刀自巡壘見四面



火光燭天倉皇嘆泣同愛妾二闔室自縊焚死廣獲其子朝棟及妾田雌鳳時六月六日自出師至滅賊凡百一十有四日化龍露布以聞播

州克平應龍自焚死二十有五年春三月城天柱縣從縣令宋粹請

柱等所至是梓請題設賜名天柱縣梓治天柱最字民情條陳十一

事上可行之百廢俱興循良不下穎川渤海今各鄉聚皆有祠祀

十有六年鎮遠火及明倫堂稅課局街民熊良失火延及稅課局而先

二字不知係庚子又火熊夢祥家失火延燒兩街火焰騰及沙灣稅課

日保年闕廢庚子又火局悉燬至酉時人見火龍二丈餘由石屏山飛

越而出火乃息是設偏沅巡撫四月朔以江鐸為僉都御史巡撫

夜車家濶亦被燒

偏沅駐沅州二十有九年春正月甲子子章如鎮遠會楚師粵師討

皮林三月遣指揮李楷勦皮林苗平之夏四月鑿黃平河子章

班師旋偏礮鑿也此洞最險惡有大蓮花小蓮花之名先是童謠云要

改平清偏鎮四衛隸貴州三十有一年割湖廣黎平隸貴州設

鎮遠府推官三十有二年巡撫郭奏築龍泉甕安涓潭餘慶黃平等

城割播州地分設遵義平越二府三十有六年鎮遠學宮戟門及鄉

賢祠兩道院署火街民雷祖保失火延燒兩街三十有七年大水壞

田紅苗攻陷印江縣典史邵士元戰死四十年印水土目彭必信不

法誅之印水土舍楊光春行印水長官司事老而貪頭目彭必信為

之聚斂民怨甚逃諸梁上巴野六甫鬼計諸寨參議以上皆議請免光

春改土為流請未行光春與必信單騎遍馳所部洞寨給言漢兵勦夷

民當斂金贖死凡三十六莊七十二寨合得金六百兩兩人分其金都

御史何起鳴調知之下都清道逮光春繫獄瘐死不及必信於是用漢

經歷劉試到印水管事立青頗茨瓦四哨每哨兵二百凡不為兵者佐

糗糧三斗魚鹽月人一觔有八兩皆廩食餘稅而簡土吏目何文奎掌

四哨別選精兵五十二人立營居中裨將徐珂巡徼之未幾必信乃密

誘諸苗謂新法不善不利苗請十五洞長約為我治裝我當懋之朝以

復舊例洞長雖唯乃議每洞出裝銀三兩合得四十五兩走京師上書謂巴野梁上六甫鬼計諸寨酋長喬鵝苗女喬苗柴虎高良等數百人阻山爲亂樹旗幟鼓角攻七十餘寨殺男婦五百人而指揮陶起中不之問也反索土吏楊光春鏹盜而殺之改舊例用新法欲求苗不反難矣書上不省然必信意自得歸謁知府王一麟猶揚揚一麟叱縛之下獄乃檄召諸苗以爲必信所奏喬鵝事此在萬曆初孰與今日今日若等第不利漢吏耳乃假此爲恢復計有國法在不便思若等所患苦或以兵餉賦米三斗過甚府能爲若等寬之故事本司歲給白蟲鋪米每洞月八斗凡一百五十石他於平溪驛剩餘徵二十二兩此皆可足餉今以後毋苦諸洞諸洞皆叩頭稱便乃坐必信誣罔罪誅之而新法竟行 四十有三年都勻地震大旱 兩江苗夜襲松溪橋掠西關把總黃如龍率兵追至尹坡哨殲焉 四十有五年三月安莊衛白蜚羣飛

黔 史 卷三 十一 貴陽文選書局代印

蔽天越三日火 四十有六年貴陽大疫 四十有七年蚩尤見 四十有八年蘭州土司奢崇明叛陷重慶府遂陷遵義府 熹宗天啓二年二月水西安邦彥叛擁衆圍貴陽城 先是邦彥詣巡撫李標請討崇明自效不許邦彥素黠桀其從兄堯臣妻奢社輝崇明女弟也生子位當立劾邦彥奪而有之實欲借此起事故詭言之當其時使一勇士縛之如縛雞耳乃逸之而去歸卽謀不軌標屢疏請增兵益餉中朝方急遼事置不問會標被劾以王三善代撫而崇明已陷二郡貴陽大震標遂留視事時城中兵不及三千倉庫虛殫標與巡按史永安貸雲南湖廣銀四萬兩募兵四千儲米二萬石治戰守具急遣總兵張彥方都司許成名黃運清副使朱芹提學僉事劉錫鉉等援四川戰屢捷遂復遵義綏陽湄潭正安桐梓諸縣至二年二月邦彥浪聞崇明已陷成都遂挾安位擁衆圍貴陽城自稱羅甸王四十八支及他部頭目安邦俊

陳其愚烏撒土目安效良等皆蠶起相應分兵襲畢節都司楊明廷戰  
敗將士三千人俱沒又分兵陷安順平壩效良亦攻陷霑益而邦彥自  
統水西軍及羅鬼苗仲數萬渡六廣河直趨貴陽

邦彥始舉事便擁兵  
圍省垣其逆較著三

言圍貴陽城甚之  
也故後書誅之

別遣王倫等下夔安襲偏橋以阻援兵洪邊土司宋

萬化糾苗狃九股陷龍里標永安閉城堅守賊先後攻陷廣順定番普  
定威清普安安南諸衛數千里盡爲賊有初被圍彥方運清來救賊縱  
之入城曰使耗彼糧城中果大困川廣總督張我續巡撫王三善徵兵  
未集不敢進標連疏告急卒不進會彥方等出戰屢捷賊退保則溪副

總兵徐時逢參將萬仲仁來援遇賊鏖城河食盡賊擊之軍潰諸將馬  
一龍白自強商士傑等殲焉援遂絕邦彥聞三善將進兵攻益急十二  
月三善進兵大破賊於龍里貴陽圍解三善由鎮遠分左右二部進自  
將二萬人與參議向日貞副總兵劉超參將楊明楷王建中等由中路

黔 史

卷三

十三

貴陽文通書局代印

當賊鋒一日抵新添又一日次新安是夜報賊至軍議退三善手劍疾  
呼曰退卽死此超下馬斬却者二人而自揮刃斷賊標時賊驍將阿成  
被超斬其首賊披靡大軍齊進遂奪龍里城次日軍抵貴陽城下邦彥  
已遁去貴陽受困已十月旦夕恐陷忽賊兵奔潰前鋒至城下呼曰新  
撫至矣軍民大悅標等迎入城三善不可曰賊兵不遠軍心猶未定也  
遂營於南門外大雪次日移營則溪諸路兵先後至三善以二萬人破  
賊十萬有輕敵心且憂乏食欲因糧於敵令總兵劉超渡陸廣趨大方  
搗安位巢以參事楊世賞監之令總兵張彥方渡鴨池搗邦彥巢以副  
使何天麟監之別將都司線補袞出黃沙渡剋期並進超等至陸廣連  
捷諸將益輕敵超渡陸廣賊乘半濟擊之獨山土司蒙詔先奔官軍大  
敗超走免先鋒楊明楷爲所執諸將姚旺等三十六人殲焉賊遂攻破  
鴨池軍部將覃弘化先逃彥方保威清惟補袞軍獨全賊復蠶起土酋

何中尉進據龍里邦彥使李阿二圍青巖斷定番餉道率宋萬化吳楚漢爲左右翼自將趨貴陽遠近大震三善急遣遊擊祁繼祖等救龍里王建中劉志敏救青巖繼祖燔賊牌五十寨建中亦燔賊四十八莊龍里定番路通又夜遣建中繼祖搗楚漢八姑蕩燔莊寨二百餘賊溺死無算擒宋萬化邦彥氣沮羣苗不敢出是時川撫朱燮元屢破崇明兵崇明窮蹙投邦彥四川總理魯欽馳赴貴陽擒何中尉彥方亦迫賊鴨池而賊復乘間陷普安時代總督張我續爲楊述中駐沅州畏賊朝命屢催始移鎮遠三善議會師進討述中諸將多持不可三善排羣議以進三年十月自將六萬人渡烏江次黑石連敗賊斬前逃將覃弘化以狗銳意進師所向皆捷三善渡渭河邦彥狼狽走師抵大方人居安位第位偕母奢社輝遁火灼堡邦彥竄織金先所陷將楊明楷亦還位窘遣使詣述中請降三善屯大方久食盡述中不爲援不得已議退師

誤

黔 史

卷三

十四

貴陽文通書局代印

當堅守大方徵餉賈陽調滇兵人需益蜀兵入畢節便可成禽

四年正月王師敗績於內莊巡撫王

三善死之 三善以糧盡焚大方廬舍而還賊蹙之參將王建中副總兵秦民屏戰沒官軍且戰且行至內莊賊斷後軍三善還救士卒多奔陳其愚者賊腹心先詐降三善信之以故軍中虛實賊知之及隨三善行遇賊其愚衝三善墜馬三善知有變急解印綬付家人拔刀自刎不殊羣賊擁之去罵不屈遂遇害同知梁師泰主事田景猷等四十餘人皆死總督楊述中回籍聽勅

是役也所謂入虎穴探虎子矣虎子既不

已昔何以入今何以出宜其敗也

能得穴何以離離則爲所傷三善不諒彼

四月起傅宗龍巡按貴州命右副都御史蔡復一

代述中賜上方劍便宜行事時喪亡之餘兵食俱絀斗米銀八錢復一

勞徠拊循人心乃定召集將吏申嚴紀律遣魯欽救龍里斬賊五百餘都勻凱里者運道咽喉也先是邦彥結諸苗出劫官道黔楚路梗劉超

拔賊巖頭寨移師克平茶上下皆通已而邦彥驅羅鬼結四十營於斑

鳩灣結寨二十餘里復一復遣欽及總兵官黃鉞分道禦之欽率部將張雲鵬劉志敏鄧玘等大破賊於汪家冲鉞及參將陸夢龍副使楊世賞大破賊於蔣義寨斬首千五百級搜山復斬六百餘級邦彥奔河西欽鉞窮追而夢龍等分駐三岔河岸爲後勁前鋒雲鵬玘等深入織金織金者邦彥巢也緣道皆重關疊隘木石塞山徑將士用巨斧開之或攀籐穿竇而入斬首千餘賊遁入深箐而邦彥竟逸是役也焚賊巢數十獲牛馬甲仗無算傳宗龍擒陳其愚誅之肆諸市民心大悅 五年正月魯欽等旋師渡河賊從後襲擊諸營盡潰死者數千人此又何以旋師天下豈有孤軍深入而得善返者哉聖人所以武奔而殿也 時蔡復一爲總督朱燮元以尙書督川

湖諸軍以故復一節制不行於境外欽等深入四川雲南兵皆不至復一自劾因論事權不專故敗巡按傅宗龍亦以爲言廷議令燮元督河道令復一專督五路師御史楊維垣獨言燮元不可易請令兼復一任

黔 史 卷三 十五 貴陽文通書局代印

帝用維垣言解復一任而以王城爲右僉都御史巡撫貴州復一俟代仍拮据兵事與宗龍計勦破烏粟螺蝦長田十五寨叛苗此係下遊初自平越至興隆清平二衛苗二百餘寨錯踞其間以長田之天保阿秧爲魁邦彥初起卽結二酋使通下游六衛消息且不時剽劫官道按察使來斯行啗阿秧使圖天保阿秧反以情告保斯行乃誘斬阿秧議討天保會以憂去復一令知府周鴻圖代監軍會阿秧弟阿賈與天保請兵邦彥復兄仇復一令鴻圖欽參將楊明楷胡從儀三道進斬賊魁五十四人生禽天保阿賈獲首功二千三百五十級破焚一百七十四寨盛夏興師冒暑雨嵐瘴積年劇寇掃除土人謂二百年所未有復一既奏功未報十一月卒於平越軍中 六年春三月邦彥復大舉入寇魯欽禦之賊夜襲欽營士卒逃竄欽自劾諸營悉潰賊勢復熾省垣大震巡撫王城急遣將禦之稍戢川督燮元以憂歸加偏沅巡撫閔夢得總督控

制五省 七年春參將楊明輝奉命宣諭安位令擒獻首惡爲邦彥所殺 偏礮指揮許國柱力戰陣亡 肅清偏礮上下道路 黑苗屢出

切官道議廢施秉縣 夏五月蝮生 天柱晝晦 修治營哨 莊烈

帝崇正元年秋七月詔起朱燮元爲總督仍兼制雲貴川湖廣五省軍

務 二年秋八月燮元調兵討逆賊安邦彥誅之

凡書誅應有日此不日者舊記失也凡逆

首斃於亂軍中亦必書誅 先是王三善由陸廣入大方凡百七十里皆羅鬼巢窟

前衝後截已失地利燮元初議滇兵出霑益遏安効良應援而別布兵

天生礮尋甸等處以絕其走路蜀兵臨畢節扼其交通走四裔之路而

別出龍場巖後以奪其險黔兵由普定渡思臘河徑趨邦彥巢穴而陸

廣鴨池搗其虛粵兵出泗城分兵策應然後率大軍由遵義鼓行而前

尋以憂去未及用總督閔夢得繼之亦以大方路險賊惟畢節一路用

兵當自永寧始漸進漸逼以重兵扼之乃可成禽亦不果用至是燮元

黔 史 卷三 十六 貴陽文通書局代印

至乃檄滇兵下烏撒蜀兵出永寧畢節各扼要害而親率大軍駐節陸

廣以逼大方時藺賊奢崇明號大梁王邦彥號四裔大長老其下歹費

阿鮮等皆稱元帥蹂躪川黔土地已七八年聞官軍至果力趨永寧先

犯赤水燮元授意守將許成名佯敗引之出度賊已抵永寧分遣總兵

林兆鼎由三岔入王國貞由陸廣入劉養鯤由遵義入邦彥分兵四應

力不支羅乾象復以奇兵繞出其背急擊之崇明邦彥皆被創斬其首

獻燮元露布以聞水西平 九月合兵討水西餘黨安位出降許之燮

元議設州縣分治其地各置副將鎮守 初邦彥常勾結九股苗聚衆

出切官道以牽制官軍燮元以勢重水西不之顧至四年陝西道御史

楊通宇通宇備上疏請討黑苗乃命燮元督總兵林兆鼎率所部羅聯

芳王自亮等勦寨膽舊州黃岑白壩兩江等六十七寨平之 三年思

南火 四年天柱大水 秋七月地震 疏通偏礮道路 復施秉縣營

楊坪

以提調楊凌至守之

遂城涼傘

以守備羅輝芳守之

按雍正十三年逆苗不靖屢

犯施秉城梗台拱清江大路官軍由雞擺尾進交汪不能前遂營於蓮

花聖賊乘勢圍台拱并陷台拱之排哨汛復圍清江并圍清江之柳羅

營哈元生督兵奮力勦滅奪賊關者五破賊城者一摧賊營者六斬獲

無算於是清江圍解清江受困已數月矣至是糧道通已而台拱施秉

以次削平後張經略由八弓駐節清江由清江駐節凱里當賊苗之未

退也率據勝秉前二十里涼傘寨今改爲新城勾結裏九股牛皮箐生

苗壤地交接請之下九股故必城涼傘以扼九股皮林之吭而開台拱

清江門戶則其勢在我當是時官軍率由山僻小徑經略之入清江也

由八弓繞梁上汛其出也由勝秉蓋兵法以地形爲把握地形以道路

爲要害未有不明於道路而能得地形不明於地形而能知用兵者予

故獨詳於營汛而嘉是城涼傘竊嘆王或菴之先獲我心也與是役也

黔史

卷三

十七

貴陽文書書局代印

所以阻逆苗之劫掠而安數州之奔離厥功幾與春秋城虎牢同惜所

守非人又當明末流寇擾攘苗亦乘勢擄掠民何以生九股之役哈元

生先駐節清平張廣泗後駐節凱里倘元生當時竟駐節涼傘則苗塞

其喉偏礮黃平餘慶當不至被焚戮若是其可慘也或曰非也倘元生

當日不駐兵羊老則清平以上省垣不可保矣且羊老去涼傘幾三百

餘里稍遠又爲賊窟不若先駐偏礮觀勢再進方據涼傘爲當 五年

十月天柱天鼓鳴地震有聲 六年秋八月湄潭縣蝦蟆數萬匝城旋

沒 七年夏大水鎮遠礮圯

說聖礮也場三空

十年開州北極觀鐘與龍鬪

十一年夏貴陽大水 十有四年夏六月都勻燕數萬集府署 十

有五年地震 苗狎聚衆出劫官道圍清平黃平參將宋民倚擊定之

十有六年畢節大雨雹 黑苗阿燒等勾九股兩江革弊冷西臻凱

雞講大肚高坡諸苗攻破施秉縣殺楊凌奎於楊坪羅聯芳棄城走鎮

遠一帶地方爲所劫掠 夏六月詔總督李若星統黔兵赴楚協勦流  
寇八月若星帥師次偏礮懸購阿燒臻尙士舍劉成龍斬阿燒以報  
十有七年春正月朔大風霾三月流寇陷京師若星聞變自偏礮歸

黔

史

卷三

十八

貴陽文通書局代印



大清 世祖章皇帝定天下未遑邊徼四年春正月流寇孫可望陷遵義府 先是流寇張獻忠據蜀屠戮蜀人殆盡其黨可望李定國劉文襲據貴陽城黔撫曹遁去城中數萬戶四路奔避可望搜捕箐洞殺掠無算千里蕭然按察使張耀參議曾益都司陳瑞徵知州陳新第據定番州城死守新第蜀之長壽人有知略策貢生饒謨集弓弩手舉勇士簡成書爲左師軍洞口臥龍土舍龍在田龍起潛佐之守備陶世顯爲右師軍土橋大龍土官龍飛佐之張陳督中軍田椒山出水車抵靑巖繞賊後以斷賊饑成書世顯迭戰殺賊數百人生擒二十一人可望憤甚調艾能奇師五萬至衆寡不敵右師潰陶世顯龍在田龍起潛龍飛

黔 史

卷四

一

貴陽文通書局代印

俱戰歿賊遂遙擁趨東北關城中矢石齊下成書以藥箭射中能奇未斃賊少却俄而城中火起人爭滅火賊遂乘勢登城城陷耀被執能奇曰公吾梓里也耀曰爾爲賊吾爲朝臣何梓里之有罵不絕聲徵亦大罵遂遇害同日死者學官尹大任徐鏞吏目安紹祖諸生周齡六尹思民胡允中黎維垣鄉官顧人龍妻李氏子大元俱赴水死司獄陳玉環自經死新第正衣冠縊於署曾益縊於道署饒謨攘臂大呼士卒奮興無不一當十猶殺賊百餘人或書亦格殺數十人皆戰死舉人毛琛投井死原任教授艾養中諸生周卜年尹湯賓熊鍾杜凡六赴火死諸生謝賜璠黎應陽江山秀潘達黎應辰投泔水死張承祖妻吳氏赴蓮花池死武舉蒙九錫不屈死凡百五十人城中竟無一生者而賊之爲我殺者亦損其二 三月可望圍鎮寧州參議武右文據守城破被屠並屠安南普安等城遂入滇故明總兵羅聯芳與前撫范鏞入據貴陽城

時黔省未領正朔寇苗互攻劫迄無寧日 先是三年冬甕安李樹結扁豆合縣皆然一方士言有兵禍至四年四月苗賊藍二叛糾衆數千

攻陷甕安黃平屠戮甚慘復圍平越故明總兵張才擊走之旋就擒磔於市 十月綦江人王祥率兵數萬襲據遵義府 流賊張先璧俗呼黑神

潰兵突至鎮遠焚掠一空 五年秋八月先璧潰奔偏礮皮熊即羅聯芳遣平茶司人楊光謙禦之陳特菴曰黔志云六年正月至偏礮平志云十六年皆誤先璧最凶暴以人為糧鄉民逃避旋

為亂兵所誅 十月皮熊與王祥構兵熊攻祥次烏江為祥敗全軍覆沒 十二月熊祥假和 思南遵義大饑疫斗米銀三兩 六年流寇袁宗第

劉于純相繼屠戮千里無雞犬聲 八月可望自滇遣白文選襲陷安順府攻青崖白納燕樓等箐洞旋撤去 先是明桂王子由榔自立於

肇慶號永歷至是封皮熊為匡國公王祥為忠國公文選襲入貴陽 七年八月可望自滇襲入貴陽皮熊走清浪追奪其兵 冬九股苗出

黔 史 卷四 一 貴陽文通書局代印

劫鎮遠府衛城兵科給事中程源駐偏礮王祥遣兵夜襲以去源四川江津人

與祥同鄉故襲以去 白文選陷平越府都督同知徐登高被執死楊友楠出奔徐楊

皆偏礮人 可望大殘施秉臨田徵租劫去取十之七 八年可望遣官清丈

思石黃施江內外屯田徵租 可望攻遵義王祥兵敗自刎 九年可

望迎由榔於桂林置之安籠所無人臣禮 冬甕山壩苗鄧保羊紗糾

平定司苗焚劫官道總鎮武邦賢擊却之并設子營於凱里施秉犄角

可望出按沅靖諸營旋偏礮杖殺舊指揮疑其怨望不服也 十年大荒疫山

土崩裂大水掩禾 十一年大疫 春三月鎮遠火毀民居殆盡 十

有二年夏四月虎雹傷人殺禾命虎將以毒弩伏殺其四乃止 十有三年大旱自秋

八月不雨至夏四月 蝥生 十有四年春畢節雙井流紅水龍潭流

黑水 九股兩江賊苗劫油榨關殺傷撥頭虜去驛馬鎮遠僞知縣陳

然率兵追至鼓樓坡奪回驛馬秋七月復焚劫中屯殺寄居鄉官曾惠

三謝攀龍等數十人 自崇正末流寇潰兵叠相屠毒而可望蹂躪滇黔已十餘年殘虐不下於獻忠患莫可言乃復遭苗人乘亂劫掠大肆猖獗民生被害子遺殘黎直待王師恢復就撫者湯火餘生而已 八月施秉縣前江水赤 恒雨自秋八月迄十月 冬潰兵至城市鄉民逃匿山箐諸苗乘釁出劫焚馬院殺土通判楊貽業數十人連年避兵田園爲蕪 可望與李定國有隙定國敗於新會將由安籠走滇可望偵知之促由榔移黔由榔故遲行定國遂奉由榔入滇可望率兵與定國戰於交水會白文選馬進忠內變大敗還劉文秀率兵追至貴陽

十有二月可望奔長沙降伏誅 十有五年春三月 帝命宗室寧南靖寇大將軍羅托故明經略洪承疇帥師取貴州次偏礮 秋九月安遠靖寇大將軍信郡王鐸尼率師次偏礮貴州巡撫趙廷臣亦至即於行營受印視事復偏礮衛革去指揮千百戶世襲部選衛守備代之 十月大兵駐偏礮養馬舉人宋騰熊上書諫之 十有一月廷臣請以撫標中軍帶本標兵駐偏礮兼轄興隆凱里容山新城等處地方請設經制官兵及各省協濟黔餉請頒賦役全書以舊籍盡失也 十有二月議設操軍防護道路疏通商賈請安置投誠兵丁 施秉橫坡苗江八浪劫該管土官楊文耀殺文耀兒貢生文煥知府宋應星捕斬之 十有六年

蠲免荒殘錢糧設驛站馬匹每站五十匹暫借備後歲五匹實之餉買工食於屯草料糧取給 流賊馮天祐即雙子伏誅 天祐已降復叛糾賊盧正友冉宗孝呂昌等聚衆於偏礮之落花屯真珠屯攻湄潭甕安掠平越思南等處總兵胡茂正李本深捕擒天祐等伏誅 夏四月僞左翼將軍楊光謙僞閩毅將軍丁國祥降國祥即光謙妻統轄土衆素衆信服既降並受將軍之號安置賞賜 普安州馬乃營土目龍吉兆等作亂總督趙廷臣巡撫卞三元合疏討平之吉兆與安南衛屯軍王回子爭田結怨遂私造軍器糾衆仇殺遙與李定國爲聲援至是

勦平之 五月苗殺施秉縣趙玉奇應星捕首惡老柴斬之 六月旱

大饑議賑 秋九月大風拔木 十有七年貴陽大饑以楚米賑黔

撫下三 元請也 夏四月請仍以平清偏鎮四衛赴黔應試 通黃平水運鑿

諸葛洞 以運楚米故共修通二百三十里鑿迂 險灘五十二處直抵黃平舊州城下 十有八年秋蝗殺稼

聖祖仁皇帝康熙元年春正月停徵練餉 二月續報荒懇驛站以

夫代馬 巡撫羅繼錦請也 因路險馬斃每 代夫四名差急者酌借營馬 二年裁思仁道 三年夏

五月大水 先鎮遠知府張維堅夢神告以鎮郡將沉比曉大雨如注江 水泛漲頃刻及街坊維堅出署拜禱函懇鎮遠府門額投梁

石以厭之 詔策論表判試天下士停止八股 裁各學訓導 每府衛 設教授

一員州縣大學設學正教諭 一員小學訓導一員無副學 八月續報荒懇 四年銅仁火 五年

裁衛經歷衛千總 秋七月定苗民警殺例 畢節大水 六年秋八

月裁鎮遠總兵官 九月 帝親政詔裁各巡守道裁推官 停造黃

册 七年秋八月詔仍以八股試士弛民間裹足之禁 八年罷鼓鑄

黔 史 卷四 四 貴陽文通書局代印

先是戶部議開鑄局貴州以銅艱費苗民惡用錢鑄無益巡撫羅繡

綿兩疏請停部議非是至是再疏迺罷 總督甘文焜至自燕 甘由直 撫陝任

當云以甘文焜為雲貴總督此書至自燕者是時滇 黔楚蜀為吳三桂割據文焜危守貴陽故謹而書之 復舉人揀選

夏六月鎮遠屬那麼等三十六寨來降 九年夏六月施秉縣山丙岑

邦巴蜡等一十七寨苗來降 十年詔以文焜奪情留任 十有一年

凱里黨稿苗阿福糾九股雞講高坡苗攻司營偏施戒嚴文焜遣副將

王斌勦平之 春三月鎮遠火毀民居殆盡發金三百兩賑之 畢節

白蛾蔽天 十有二年裁偏礮驛丞 餘慶石花開 十有二月吳三

桂叛逆於雲南文焜奔鎮遠自殺 自縊於吉祥寺今寺中雙栢樹下乃 文焜致命處初八日未時至偏礮西

案遂自殺 十四年春三月遵義火 十五年夏五月晝晦 十八

年貴陽大雨雹 十有九年大師復貴州綏滇黔 破僞將韓天福於

平越先是逆黨郭壯圖因三桂死擁其孫世璠屯貴州以拒大兵至是

克平之世璠遁走雲南 先是賊將張足發吳應奇奔據鎮遠馮成蘇

分據施秉新城賊兵四出徵糧苗民大困 冬十月定遠平寇大將軍

章泰帥師次偏橋 十有一月內閣大學士佛倫金宏等督糧駐偏橋

起武岡寶慶丁壯運楚米至黔濟軍糧廳駐柳塘堡民苗獲蘇 二十

年夏大疫 秋大饑 知府王清遠設館僱藥募醫診治捐米賑贍

二十有一年夏六月蝗 知府設醮禳祓乃消滅 解吳逆家口 至二十有

七年乃止思石銅 黎皆起夫協解 二十有二年免徵地丁糧 本年秋冬至 省衛入

縣 二十有三年遵義大水 二十有四年蟲入民倉食穀 知府設

醮禳之乃沒 知府王清遠也 二十有四年 知府者無愧於知府也清 二十有

五年免賦 雪雹大如卵 二十有六年省偏橋衛入施秉縣 移縣治

於衛城改衛學教授為縣學訓導 畢節白蛾漫天有鳥食之 二十

有七年夏五月二十一日大水橋圯蛟起黃平舊州都凹山衝溢偏橋

黔 史 卷四 五 貴陽文通書局代印

漂沒廬舍至鎮遠祝聖橋塌巡撫田震以聞 二十有八年春三月甕

安縣高車村巨石自轉貴陽水溢 移鎮遠縣治於河北 分設鎮遠

縣學即以縣治為學宮 從巡撫王 三十二年秋七月隕霜殺稼 三

十三年畢節龍見 三十七年遵義火 四十有一年夏六月調鎮黃

施官軍勦巖門革彝逆苗羅尤等 以殺本官 秋九月慧星見 四十

有二年冬十有一月雷鳴 四十有三年春二月添設各學教諭 從學

豫章 四十有七年夏五月畢節大水 五十年春二月都勻北河巨

石自移 五十六年安化火 五十有八年夏四月鎮遠大水淹文廟

偏橋圯 六十有一年春正月有年 世宗憲皇帝雍正元年春設約

正 值月宣講 建節孝祠 設普濟堂育嬰堂 養老 三年設社會

秋無鹽 五年建先農壇 置田貳畝分 思南大水 夏六月

勘苗疆 初黎平府知府張廣泗議勘苗疆情形苗專以劫掠為事無

能爲也往往攻陷城池擄之去水旱饑饉尤甚居民被害慘矣良有司  
恩威并行則四境帖然國初削平孫逆吳逆地方豐熟垂六十年苗民  
亦既安堵矣茲復謫謫謀不軌者豈以飽煖之過生災耶 六年十月  
巡撫張廣泗帥師討八寨生苗平之 十有二月討丹江生苗平之

七年六月討清江生苗平之 秋八月有五色雲 八年豁免正賦

九年討古州上下生苗平之 十年秋九月逆苗圍抬拱命提督揚威

將軍哈元生帥師討平之 十有一年夏五月大水偏礮圯 十有三

年賊苗包利紅銀等大作亂 攻古州清江梗官路四月陷黃平州知

州羅鳴序被殺陷舊州城五月陷青谿縣陷餘慶縣 冬十月 太上

純皇帝命湖廣總督張廣泗爲經略會楚師粵師川師滇師討之 是

役也總兵蘇大有功爲最大有忠勇有膽略攻黃茅嶺殺苗人殆盡苗

人憚之見其旗幟輒奔潰目爲蘇大刀 乾隆元年春正月討平牛皮

黔 史 卷四 六 貴陽文通書局代印

箐虜首逆苗包利枉利等誅之 苗蠻無禮義不足深責故畫從其輿此書誅者其爲害大勞師動兵故也

二十八年春晝晦 二十九年春晦 秋恒雨 三十三年大兵伐緬

立軍需局 三十四年夏大水偏礮圯 三十五年大饑路斃無算

三十七年大水 冬十有二月大雪積三五尺茅屋被壓 三十九年

有熊二頭往來 冬剪雞羽 民間無故雞羽剪去觸處皆然亦無休咎 四十年春旱 四

十一年夏旱 四十七年夏大水 四十八年夏大水 冬十有二月

十二日鎮遠橫街火延燒至二牌 四十九年夏大水偏礮圯 五十

年夏大水 冬十有一月鎮遠西關火 五十一年夏大水 五月朔

六日地震歲歉 五十二年夏大山土崩裂 五十四年春雨雹殺

禽 貴陽大饑賑於東嶽廟饑民領賑相踐踏死三百餘人 五十六

年春二月丙辰鎮遠橫街火延燒至二牌 六十年春正月二十一日

楚辰苗結銅仁紅苗大作亂 總督福康安帥師會楚師川師粵師滇

師討之獲逆苗吳半生解京誅之 嘉慶元年春霖雨 夏五月乙卯

康安卒於師 秋八月逆苗石三保石柳鄧死於亂軍已而克平 九

月青谿匪賊聚衆作亂巡撫馮遠鎮遠縣知縣王懋德往招被殺提督

花連布陣亡

連布甚驍勇單騎助山  
路賊蜂擁至馬蹶被殺

冬十有一月總制勒保移征銅

苗軍擒首逆高承德誅之克平 二年春正月南籠狃苗大作亂總制

保帥師剿之 秋九月獲首逆七絛鬚王化朝苗女先大解京誅之克

平 黔中木樸陋苦無載籍可稽自秦漢來往往曠數十年歷數代無

一事可見又苗人自相讐殺地方官處置乖方輒動干戈輒言苗人叛

服不常夫常不常其機在我何責於苗人又苗人與漢人訟無有直苗

人者胥吏又復奸取贖金偏私之過皆可不必書故謂之裨史然不言

黔裨史而直言史者何黔卽裨也郭青螺有黔記志山川風物疆域建

置沿革故謂之記其事其文則史也春秋各國皆有史王者之迹熄矣

黔 史

卷四

七

貴陽文通書局代印

有王者起各國不敢有私記載然不敢有私記載而可無記載乎無記

載太史何由而采之滇黔相連壤既有滇史則亦有黔史 王酉山云

事不緣其起徒言苗人反叛苗人豈欲作帝王者哉年歲荒歉遂致剽

掠爲地方害患莫可言耳 漢書曰高惠文景迄孝武無書伏誅者則

曰有罪下獄死或云自殺或云斬或云伏辜景帝特詔改磔爲棄市取

刑人於市與衆棄之之意史稱幾致刑錯豈虛語哉惟昭帝上官桀桑

弘羊謀逆始書伏誅霍禹雲山及顯謀逆書誅此外無顯言者至後世

有方變亂輒書伏誅又况蠻夷古不通中國雖不可言與國要皆外夷

如交趾緬甸南詔等特以兵威強弱爲順逆耳豈可深議也哉

光緒丁亥歲余由河南羅山縣任奉諱返里戊子家居守制恒杜門不出念生平多未讀之書欲趁閒居力爲搜考陳君衡山余舊友也伯兄崑山仲兄崧山與余皆極投契往歲書齋課業時過往迄無虛日稔知其家藏書甚富今崑山以名進士出守滇南崧山方入館選獨衡山於余旋里時適自滇歸余深幸觀書得便時從相假流覽陳編之外衡山又以新刻各種見示如黔記黔語等類皆足以補吾黔志乘之闕竊歎衡山之留心桑梓爲不可及矣檢書篋中尙存黔史鈔本一部未及校刊將作海外之行舉以屬余余實不敏何克當此重任然念里居多暇正可以筆墨爲消遣計况其爲闡前人編輯之苦心備吾黔參考之掌故安可不繼衡山而襄厥任也遂攜以歸竭二十餘晝夜之力訂訛正謬不敢謂纖毫無遺或不至爲鈔胥所誤間猶有所待正者標出頂格以俟博雅君子重加釐訂余不敢強副解人也

書之要旨與夫

書叙

者之姓氏淵源悉詳衡山序中余不復贅云光緒十四年歲次戊子仲

春月下浣貴陽熊湛英叙